



論語註疏校勘記

五  
六

口七12  
1.662  
3

屬附學大田稻早  
館書圖  
寄第  
第 號  
第 卷  
出帶許不外館書此



口仁 12  
1662  
3



論語注疏按勘記卷五

臣 阮元恭撰

子罕第九

子罕言章

命者天之命也

段玉裁云。此當是用董子命者天之令也

寡能及之故希言也

筆解引無也字。又此注作包曰

子罕言利與命與仁

十行本。罕。誤希

故希言也

北監本。毛本。希作罕。○按。希字。是承上文希也。而言

希罕也

北監本。希。誤帝

達巷黨人章

承之以謙

皇本。作承以謙也

吾執御

皇本。御下有者字

又復謙指云

十行本指誤指

麻冕章

古者績麻三十升布以為之

十行本三。誤二。升。誤斤。疏中兩三十升。升。並誤斤

絲易成

閩本。絲。誤終

故從儉

皇本。儉下有也字。下上拜下。同

王曰

後漢書陳元傳註引作何晏注云。按注即集解字之譌。故引下節注亦不加王曰以別之。此處不誤

下拜然後成禮

皇本。成。上有升字。邢疏亦有升字。○按有升字。是也。後漢書注可證

麻冕禮也今也純儉

浦鏗云。恭儉。下脫此八字

纓屬于頰

十行本閩本。于。誤干

升自西階東面

閩本。西。誤兩

大史氏右

閩本。右。誤古。北監本。氏。作是。案作是。與儀禮覲禮合。彼注云。古文是為氏也

子絕四章

母意

十行本。母。誤母。下放此

故不任意

皇本。意。下有也字。下專必下。固行下。同

故不有其身

皇本。作故不自有其身也

常人師心徇惑

北監本。徇。誤徇

子畏於匡章

陽虎曾暴於匡

皇本。曾。作嘗。釋文出嘗暴云。本或作曾

夫子弟子顏剋

皇本。毛本。剋。作剋。釋文出顏剋云。諸書或作顏亥

時又與虎俱行 皇本。行。作往

言文王雖已死 皇本。死。作沒

此自謂其身 皇本。作此自比其身也

故孔子自謂後死 皇本。死下有也字。下此文下同

言天將喪此文者 皇本。此。作斯

其如予何者 皇本。無其字

以害己也 皇本。以。作而

文王既沒 十行本。文。誤三

大宰問於子貢章

大夫官名 皇本。名。下有也字。下小藝下。多能下。同

言天固縱大聖之德 皇本。縱。下有之字

大宰知我乎 皇本。高麗本。我。下有者字

牢曰子云章 朱子集注本。合前章。注疏本別為一章

故多技藝 皇本。多。下有能字。藝。下有也字。又技。作伎。○按伎訓與。古多假為技藝字

字子開一字張 浦鏜云張。上脫子字

吾有知乎哉章

知者言未必盡今我誠盡 皇本。知。上有言字。兩盡字下。並有也字。下有愛下。同

有鄙夫問於我 皇本。問。上有來字

空空如也 釋文出空空云。鄭或作慳慳

知意之知猶意言意之所知也 浦鏜云猶意之意。當衍字

言他人之短者

浦鏗云。短當知字誤。

鳳鳥不至章

聖人受命

皇本。聖上有有字。

傷不得見也

皇本。無傷字。

此章言孔子傷時無明君也

十行本。無作无。下今天無。此瑞同。

聖人受命

浦鏗云。聖上脫云字。是也。

燕含

閩本北監本毛本。含作頷。

飲砥柱

十行本閩本。飲。誤欽。

莫宿丹穴

十行本閩本。丹。誤舟。

子見齊衰者章

冕衣裳者

釋文出冕字云。鄭本作弁。云魯讀弁為纁。今從古。鄉黨篇亦然。案說文。冕大夫以上服也。從日免聲。纁或從糸。據此則今之作冕者。蓋魯論也。

冕者冠也

皇本。冠上有冕字。下之服下。成人下。竝有也字。

瞽盲也

皇本。作瞽者盲者也。閩本。盲。誤育。疏同。

雖少必作

皇本高麗本。少。下有者字。

過之必趨

宋石經。趨作趨。○按。趨。趨。正俗字。

此夫子哀有喪

十行本。此誤北。

恤不成人也

閩本北監本毛本。脫也字。

顏淵喟然歎曰章

顏淵喟然歎曰

十行本閩本。歎作嘆。注疏同。○按說文。歎。訓吟。嘆。訓吞。嘆。二字義別。此當从欠。今人多通。

喟歎聲

皇本作喟然歎聲也。下窮盡下。形象下。序貌下。所立下。並有也字。

忽焉在後

閩本北監本毛本。焉作然。筆解亦作然。案唐石經宋石經。並作焉。又列子仲尼篇。史記孔子世家。後漢書黃憲傳。亦俱作焉。據此則十行本作焉。是今朱子集注本。尚仍其誤。

言恍惚不可為形象

皇本。恍惚作忽况。釋文出惚况云。本今作恍惚。

夫子循循然

案後漢書趙壹傳注引論語曰。夫子恂恂然善誘人。恂恂恭順貌。疑是鄭注。又攷孟子明堂章章指及三國志步陟傳。後漢書李膺傳注。俱引作恂恂。又後漢書郭太傳論。林宗恂恂善導。宋書禮志載晉袁瓌疏曰。孔子恂恂道化洙泗。北魏書賈思伯傳云。接誘恂恂。曾無倦色。並用此文。俱作恂字。蓋作循者古論。作恂者魯論。鄭從魯論。故字作恂。○按翟灝之說云爾。

言夫子正以此道進勸人有所序

皇本。進勸人作勸進人。又所作次序下。有也字。

已竭盡我才矣

十行本盡誤蓋

則又卓然絕異

閩本異字空闕

尤不能及夫子之所立也

十行本。尤作由。浦鏗云。猶誤尤。案浦說是也。

子疾病章

疾甚曰病

皇本病。下有也字。下之禮下。禮葬下。同。

故子路欲使弟子行其臣之禮也

筆解無故字。其作為。毛本無也字。

少差曰闕

皇本。少上有病字。闕下有也字。

言子路久有是心非今日也

皇本。無久字。非下有唯字。

我寧死於弟子之手乎

皇本。無於字。

就使我不得以君臣禮葬

皇本禮。上有之字。

以夫子為大夫官也 十行本官誤君  
乃責之 十行本責誤貴

有美玉於斯章

韞匱而藏諸

十行本匱誤置。釋文出匱字云本又作積二字音義皆同。

求善賈而沽諸

漢石經沽作賈。下同。按作沽用假借字。玉篇夕部及下。引論語曰求善賈而及諸未知

所據何本也

謂藏諸匱中

皇本無謂字中。下有也字。下之辭下同。

得善賈寧肯賣之邪

皇本無肯字

我待賈者也

案白虎通商賈篇後漢書張衡傳注逸民傳注文選琴賦注並引作待價是俗字

我居而待賈

皇本有者也二字

此章言孔子藏德待用也

十行本德誤得。疏美德同。

故託玉以諮問也

十行本玉誤士

藏在匱中

閩本北監本毛本匱誤置

若人虛心盡禮求之

十行本盡誤蓋。下盡禮同。

子欲居九夷章

有九種

皇本種下有也字

君子所居則化

皇本作君子所居者皆化也

曰畎夷

按東夷列傳作畎夷

四曰滿節

浦鐘云節誤節是也

吾自衛反魯章

吾自衛反魯

皇本高麗本反下有於字

反魯哀公十一年冬

皇本哀上重魯字冬下有也字下正之下同案疏中亦重魯字皇本是也

故雅頌各得其所

皇本故下有日字所下有也字

胡篋之事

闕本北監本毛本胡誤篋

子在川上章

包曰

皇本作鄭元曰

言凡往也者如川之流

皇本往下無也字流下有也字

夫不以晝夜而有舍止也

十行本夫誤天

吾未見好德如好色章

故發此言

皇本作故以發此言也

未譬如為山章

此勸人進於道德

皇本德下有也字下善之下薄之下與之下同

我不以其功少

皇本功上有見字

未見一籠

十行本一字空闕毛本北監本作未成

語之而不惰者章

顏淵解

皇本解上有則字案釋文亦無則字

故語之而不惰

皇本無而字下之時下有也字

子謂顏淵章

包曰

皇本作馬融曰

痛惜之甚

皇本甚下有也字下亦然下同



孔子於後歎惜之也北監本毛本惜誤息

後生可畏章

後生可畏皇本高麗本畏下有也字

謂年少皇本少下有也字釋文出少年云本今作年少

斯亦不足畏也已皇本高麗本已下有矣字是也

法語之言章

口無不順從之皇本不上有所字

能必自改之乃為貴皇本無之字貴下有也字

謂恭孫謹敬之言皇本孫作異言下有也字說者下為貴下同

未足可貴閩本北監本毛本可作為下同

主忠信章

慎所主友皇本作慎其所主所友

皆所以為益皇本益下有者也二字

三軍可奪帥也章

人心不一皇本不作非

可奪而取之皇本作可奪之而取

衣敝緼袍章

衣敝緼袍皇本高麗本敝作弊釋文出衣弊云本今作敝案說文袍字下引論語亦作弊弊者敝之俗說文所

無袍下引作弊者亦後人妄改也

與衣狐貉者立汗簡引古論語貉作狝釋文出狐貉云依字當作狝案史記弟子列傳作貉○按狝正字

論語注疏校勘記  
貉。假借字。貉俗字。

卷五

泉著 皇本。著。下有也字。下之詩下。爲善下。同。

常人之情 十行本。情誤清。

唯其仲由也與 浦鏗云。唯其字當誤倒。

此詩邶風雄雉之篇 北監本。邶誤耶。

謂今之新縣 北監本。謂今字誤倒。

### 歲寒章

歲寒然後知松栢之後彫也 皇本。彫。作凋。注同。釋文出後彫云。依字當作凋。○按釋文是也。彫是假借字。

然後知松栢小彫傷 皇本。小。上有之字。下苟容。下有也字。

### 知者不惑章

不惑亂 皇本。亂。下有也字。

無憂患 皇本作不憂患也。

孔安國曰無畏懼也 攷文載古本勇者不懼下。有此八字。皇本十行本闕本北監本毛本竝脫。

### 可與共學章

未必能之道 皇本。道。下有者也二字。下之極下。爲遠下。竝有也字。

未必能有所立 皇本。作未必能以有所成立者也。筆解。此注作孔曰。

可與立未可與權 筆解云。正文傳寫錯倒。當云可與共學未可與立。可與立。可與適道。未可與權。案詩經正義。

及說苑權謀篇。三國志魏武帝紀注。北周書宇文護傳論。竝引可與適道。未可與權。與筆解說合。○按此亦翟灝之說。

雖能有所立 筆解。無能字。亦作孔曰。

唐棣之華

春秋繁露竹林篇文選廣絕交論注並引作棠棣

移也

毛本移誤移

賦此詩者

皇本無者字

以言權道反而後至於大順

皇本順下有也字

思其人而不自見者

皇本自作得案邢疏亦作得字

未之思也

釋文出未之云或作未者非

夫何遠之有

皇本高麗本有下有哉字

斯可知矣

北監本毛本知作見

似白楊

十行本閩本似誤以

江東呼夫移

北監本呼誤乎

陸機云

毛本機作璣機與璣古字通隸釋載堯廟碑云據旋機之政周公禮殿記云旋機離常璣並作

機又文選宋文皇帝元皇后哀策又注云璣與機同名之音義通用者有兩陸機一吳人字士衡一名璣字元恪注本艸者而宋槧爾雅疏引艸木疏作陸機此二字古人殆通用之與錢大昕云當作陸機

鄉黨第十

孔子於鄉黨節

案釋文云此篇凡一章故此篇以分節標之此節君在以下毛本提行別

為一節與各本異

溫恭之貌

皇本作溫恭貌也

辯也

皇本作言辨貌

雖辨而謹敬

閩本北監本毛本謹敬作敬謹

和樂之貌皇本作和樂貌也。下中正之貌。作中正貌也。恭敬之貌。作恭敬貌也。威儀中適之貌。下亦有也字。

君在視朝也皇本作君在者君視朝也。

君召使擯節

君召使擯釋文。出使擯云。本又作儻。亦作賓。皆同。○按。擯相之擯。當从才。从人者。乃儻禮字。釋文亦作賓者。如史記設九賓於庭。是也。

有賓客使迎之皇本之。下有也字。下變色下。同。

色勃如也案說文。字。下引論語色字如也。艱。下引論語色艱如也。汗簡云。艱。見古論語。

足躩盤辟貌皇本無足躩二字。貌。下有也字。釋文出盤字云。字又作磐。○按。當作般。假借作盤。俗作磐。

左右手皇本手。上有其字。案鄭注云。揖左人左其手。揖右人右其手。疑皇本是。

衣前後襜如也皇本作故衣前後則襜如也。

翼如也說文引作趨。今作翼者。趨之省文。

言端好皇本作言端正也。

鄭曰皇本高麗本。作孔安國曰。

復命白君賓已去矣皇本無君字。矣。作也。

如鳥之張翼也十行本。如。誤為。

賓不顧矣浦鏜云。矣。下脫者字。

子男則擯者二人浦鏜云。三。誤二。

其侯伯立當前侯胡下案今本周禮大行人。竝誤作前疾。唯此及詩蓼蕭正義所引不

誤。說詳惠天牧禮說

主君出直闌東南西嚮立

浦鏗云西衍字。毛本作主公。

使末擯 十行本末誤未。

則主君就擯求辭

浦鏗云賓誤擯。

不敢自許人求詣已

閩本北監本毛本請作諸。浦鏗云來誤求。

上擯以至次擯

浦鏗云以上脫傳字。

廟中將幣三享

北監本三誤二。

送賓不復

儀禮聘禮復作顧。

入公門節

鞠躬如也

案躬又作窮。儀禮聘禮記執圭入門鞠躬焉。如恐失之。釋文作窮。云劉音弓。本亦作躬。羣經音辨云。

鞠躬容謹也。鄭康成說禮。孔子之執圭鞠躬如也。是鄭陸所據本作窮。但字雖作窮。讀仍如躬。蓋鞠躬本雙聲字。史漢中

屢見之。史記韓長孺傳贊云。壺遂之內廉行修。斯鞠躬君子也。太史公自序云。敦厚慈孝。訥於言。敏於行。務在鞠躬。君子長者。漢書馮奉世傳贊。鞠躬履方。擇地而行。鞠躬字。鄉黨凡三見。皆訓謹敬貌。蓋鞠躬同見。母猶踧踖同。精母皆雙聲字也。

斂身

皇本身下有也字。下門限下。空位下。同。

沒階趨進

釋文。出沒階趨云。一本作沒階趨進。誤也。案經義雜記云。集注引陸氏曰。趨下本無進字。俗本有之。

誤。案史記孔子世家作沒階趨進。儀禮聘禮注引論語同。曲禮帷薄之外不趨。正義儀禮士相見禮疏引並有進字。然則自兩漢以至唐初。皆作沒階趨進。趨進者趨前之謂也。進字不作入字解。舊有此字非誤。孫志祖云。說文引此文。亦有進字。見走部趨字注。

下盡階

皇本階下有也字。下過位下。同。

闕門限也

十行本限誤恨。

攝齊升堂

十行本升誤知

以先時屏氣

十行本屏誤屏不成字

秩謂之闕

各本秩並誤秩

對衣則上曰衣

孫志祖云對衣當作對文

執圭節

為君使聘問鄰國

皇本使下有以字

敬慎之至

皇本至下有也字

下如授

釋文出下如云魯讀下為趨今從古

授玉宜敬

十行本玉誤王疏同皇本敬下有也字下忌禮下踵禮下庭實下色和下同

既聘而享用圭璧

十行本璧誤壁皇本重享字

記為君使聘問鄰國之禮容也

十行本使誤德

故顏色愉愉然和說也

閩本北監本毛本說作悅

大宗伯云

十行本閩本太誤太

文有麤繹耳

十行本閩本麤作麓俗字

凡圭廣三寸

閩本北監本毛本二誤二

左右各半寸

各本各並誤瓊毛本作寸半○按禮記雜記下亦作左右各寸半

外有肉

十行本閩本肉誤玉

皆朝於王

十行本王誤玉下執龜玉玉又誤王

則云朝覲宗遇會同於王

毛本王誤玉

瑑圭璋八寸

閩本瑑誤琢

案觀禮侯氏既見王各本。王。竝誤正

丹漆絲纒竹箭也閩本北監本。丹誤用

大饗其王事與閩本。饗誤嚮

示和也閩本。示。誤是

以鍾次之北監本毛本。鍾作鐘

卿將公事今儀禮聘禮注。卿作鄉

君子不以紺緌飾節

一入曰緌。案。緌。乃。緌。字。之。誤。錢。大。昕。答。問。云。爾。雅。一。染。謂。緣。注。云。小。祥。練。冠。練。中。衣。以。黃。為。內。緌。為。飾。即。孔。所。云。三。年。練。以。飾。衣。者。也。然。則。孔。本。經。注。皆。當。作。緌。不。作。緌。矣。攷。王。記。鍾。氏。三。入。為。纁。五。入。為。緌。注。謂。染。纁。者。三。入。而。成。又。再。染。以。黑。則。為。緌。緌。今。禮。俗。文。作。爵。言。如。爵。頭。色。也。先。鄭。

司農。以。論。語。君。子。不。以。紺。緌。飾。證。五。入。為。緌。之。文。則。先。鄭。所。受。論。語。本。作。緌。與。孔。本。異。也。自。集。解。采。孔。氏。說。而。經。文。仍。從。緌。字。又。改。注。文。之。緌。亦。為。緌。而。二。文。相。亂。邢。氏。知。孔。讀。緌。為。緌。又。云。一。入。曰。緌。未。知。出。何。書。此。知。二。五。而。不。知。十。也。

不以爲領袖緣也釋文。出領。衷。云。字。亦。作。袖。俗。字。也。

齊服盛色皇本。齋。作。齋。下。同。釋文。出。齊。服。云。本。又。作。齋。是。正。字。

以爲飾衣皇本。無。衣。字。下。齊。服。下。上。衣。下。主。溫。下。作。事。下。賓。客。下。弁。服。下。浴。衣。下。並。有。也。字。

故皆不以爲飾衣皇本。無。為。字。衣。下。有。也。字。

私居服皇本。無。服。字。

非公會之服皇本。服。下。有。者。也。二。字。

當暑衫絺綌皇本。衫。作。縵。唐。石。經。作。紵。釋文。出。紵。字。云。本。又。作。紵。單。也。五。經。文。字。云。紵。論。語。作。紵。禮。記。作。振。

論語主疏交功記卷五

廣韻十六軫云。紵單衣。或作縗。又文選聖主得賢臣頌注。亦引作紵。說文訓紵為元服。並無單衣之訓。○按段玉裁云。曲禮引論語作紵。孔安國曰。暑則單服。玉藻振絺絺不入公門。鄭云。振讀為紵。紵。禪也。是紵為正字。振。紵為假借字。縗。俗字。說文。紵。元服。據曲禮玉藻注。當云。紵。禪也。

必表而出之 皇本無之字。注同

素衣麤裘

案釋文云。麤。鹿子也。則字當作麤。說文麤。鹿子也。麤。後麤。獸也。兩字義別。然古書多通用。據禮記玉藻。麤裘。青紵。與說文合。○按兒聲。強聲。古音同部。是鄭所見本作麤。與說文合。○按兒聲。強聲。古音同部。

褻裘長短右袂

十行本閩本北監本毛本。並連上為一節。皇節注。又加孔安國曰四字。說文引褻裘長。作結衣長。

相稱也

十行本。相。誤目

今之被也

皇本無之字

狐貉之厚以居

說文引貉作狨。是也。說見前

無所不佩

釋文出不佩云。字或從王旁。是俗字

故不相弔也

皇本。吉凶異服。下有此五字。各本俱脫

齊必有明衣

釋文出齊必云。本或作齋

但言紅紫

閩本。但。誤但

故用素衣以禡之

浦鐘云。上當脫麤裘白三字

作事便也

閩本北監本毛本。作便作事也

居喪無飾

閩本北監本毛本。喪。誤家

再染謂之窺

十行本閩本。窺。誤窺。案爾雅釋器。窺作窺。五經文字云。窺與窺同。○按作窺。假借字

紺帛深青揚赤色

各本。揚。竝誤揚



諸侯朝服以日視朝於內朝 毛本於誤爲

又與元冠相配 十行本闕本又誤文

亦素衣麤裘 闕本北監本毛本麤作麤

又臘祭先祖五祀 闕本北監本臘誤蠟

素服以送終 禮郊特牲終下有也字

唯喪則否 禮玉藻無則字

要在縫半下 禮深衣無在字

吉主元 十行本主誤王

吉凶異服 闕本北監本○上有也字毛本無○案注本無也字十行本是

以素爲常 浦鏗云裳誤常案浦說非也說文常下幫也常或从衣今裳行而常廢矣

其色象焉 北監本焉誤馬

齊必變食節

改常饌 皇本作改常食也下常處下之節下中時下過飽下神惠下祭肉下之餘下必敬下竝有也字

膾不厭細 釋文出膾字云又作膾非也

臭味變 皇本臭作鼻俗字下放此又變下有也字

魚餒而肉敗 釋文出魚餒云說文云魚敗曰餒本又作餒字書同○按說文作餒从食委聲餒餒古今字餒俗字

魚敗曰餒 皇本餒下有也字又此注作孔安國曰案史記孔子世家集解亦作孔曰疑此有脫字

不使勝食氣 說文引氣作既案禮中庸既廩稱事鄭君注既讀爲餒說文無餒字氣即餒字是既與氣通也

程瑤田通藝錄曰論語不使勝食氣說文氣作既釋之曰小食也引論語以證之蓋古文氣息字作氣加米則爲氣稟字

論語生流交功已

卷五

六

論語食氣二字。難通其義矣。與既字相通。然後世於氣字。無不讀作氣息者。不有說文。則

不撤薑食。案石經考文提要。引宋本九經。撤作徹。說文無撤字。撤乃徹之俗字。

齊禁薰物。北監本毛本薰作葷。疏同。釋文出焗字云。本或作葷。同。本今作薰。○按。葷古多作薰。或作焗。

薑辛而不臭故不去。皇本。臭作薰。去下有也字。

得牲體。毛本。體作醴。

歸則班賜。皇本。則下有以字。北監本。班作頒。

雖疏食菜羹。皇本十行本。疏作蔬。

瓜祭。皇本。瓜作瓜。釋文出瓜祭云。魯讀瓜為必。今從古。○按。瓜俗字。

嚴敬貌。皇本。貌下有也字。下章注。後出下。同。

是褻慢鬼神之餘也。閩本。褻誤夔。不成字。

雖蔬食菜羹。毛本。蔬作疏。

唯水漿不祭。十行本。閩本。不誤之。

鄉人儺節。

鄉人儺。釋文出人儺云。魯讀為獻。今從古。案郊特牲。汁獻說。於醴酒注。獻讀當為莎。齊人語聲之誤也。此讀儺為獻。亦聲近之誤。

朝服而立於阼階。釋文出於阼云。本或作於阼階。案釋文是。古本無階字。經義雜記云。此階字。蓋因注。誤衍。禮記郊特牲。鄉人禘。孔子朝服立于阼。注。禘或為儺。知禮記文與論語同。亦無階字。

驅逐疫鬼。皇本。鬼下有也字。

故朝服而立於廟之阼階。皇本。無而字於字。階下有也字。

儺索室驅逐疫鬼也。十行本。儺作難。是正字。儺乃假借字。

問人於他邦節

敬也 皇本。作敬之也。

康子饋藥節

拜而受之 釋文。出拜而受之云。一本或無而之。一字。

饋孔子藥 皇本。作遺孔子藥也。釋文。出遺孔云。唯季反。本今無此字。按廣雅釋詁三。饋。遺也。饋。遺俱从貴。

聲義本相通。

故不敢嘗 皇本。無敢字。

廢焚節

廢焚 唐石經如此。十行本作廢。與釋文同。閩本北監本毛本。作廢。大誤。

重人賤畜 皇本。畜。下有也字。

自君之朝來歸 皇本。君作魯。歸。下有也字。

君賜食節

乃以班賜 閩本北監本毛本。班作頒。皇本。賜。下有也字。○按。頒。假借字。

君賜腥 釋文。出賜腥云。說文字林。竝作腥。案五經文字云。腥。上。先丁反。下。先定反。今經典通用腥。為腥。並先丁反。

薦其先祖 皇本。重薦字。祖。下有也字。

君賜生 釋文。出賜生云。魯讀生為牲。今從古。

若為君嘗食然 皇本。君作先。然。下有也字。釋文。出若為嘗食然云。一本作若為君嘗食然。

又先須君命之祭 北監本。先。誤光。

疾君視之節

加朝服拖紳唐石經。拖作拖。釋文出拖字云。本或作拖。按說文引朝服花紳。即雜記云。申加大帶於上。是也。拖即手部。挖字許所據作挖。是假借挖為挖也。此在引經說假借之例。聞諸段玉裁云。

夫子疾皇本。疾下有也字。下大帶下。見君下。同。

君命召節

急趨君命行出而車駕隨之皇本。命下有也字。行出。作出行。車下有既字。

入太廟節

入太廟唐石經。皇本。太作大。釋文出大廟云。音太。

鄭元曰為君助祭也大廟周公廟也皇本有此註。各本並脫。

廟中禮儀祭器閩本北監本毛本儀誤義。

朋友死節

重朋友之恩皇本。恩下有也字。

言無親昵皇本。作無親昵也。

朋友之饋節

不拜者有通財之義皇本。無者字。義下有也字。

寢不尸節

偃卧四體布展手足似死人皇本。偃上有不字。人下有也字。下難久。下同。

居不容唐石經。容作客。釋文出居不容云。苦百反。本或作容。羊凶反。案唐石經作客字。不誤。經義雜記云。居不容。

言居家不以客禮自處。集解載孔注云。為室家之敬難久。謂因一家之人難久以客禮敬已也。邢疏云。不為容儀。夫君子物各有儀。豈因私居廢乎。是當從陸氏作客。段玉裁曰。居不容者。嫌其主之類於賓也。寢不尸。惡其生之同於死也。

見齊衰者節

見齊衰者

皇本高麗本見上有子字

素親狎

皇本作素相親狎也。下相見下。衣物下。之怒下。為烈下。並有也字。

必當以貌禮之

閩本北監本毛本。貌禮作禮貌。皇本之。作也。案皇本作貌禮。邢疏亦作貌禮。十行本

是

凶服送死之衣服

皇本凶服。下有者字。衣服。下有也字。毛本作衣物。正義同。按皇本亦作衣物。

服字非也

負版者持邦國之圖籍

皇本無者字。籍下有者也二字。

敬主人之親饋

十行本。主誤王。皇本饋下有也字。

宋華弱與樂轡

十行本。閩本。宋誤朱。毛本。轡誤輿。

版是戶籍圖也

今周禮小宰注。無是字。圖下有地圖一字。

### 升車節

必正立執綏所以為安

皇本無必字。安下有也字。

車中不內顧

釋文。出車中不內顧云。魯讀車中內顧。今從古也。案魯論古論。雖所傳不同。然究以無不字為

是。盧文弼鍾山札記云。文選東京賦云。夫君人者。黈纆垂耳。車中內顧。李善引魯論及崔駰車左銘。正位受綏。車中內顧。以為注。又漢書成帝紀贊云。升車正立。不內顧。不疾言。不親指。顏師古注云。今論語云。車中內顧。不疾言。不親指。內顧者。說者以為前視。不過衡軛。旁視。不過轡。與此不同。然則師古所見之論語。亦無不字。說者云云。乃包咸注。是包亦依魯論為說也。惟集解既從古論。而又采包注以附之。不知者并增不字。誤益誤矣。

車中不內顧者

皇本車作輿。閩本北監本毛本。作居。釋文出輿中云。一本作車中。

前視不過衡軛

皇本軛作柅。下有也字。

傍視不過騎轂

皇本傍作旁。轂下有也字。下節注中下。止下。同。

曰山梁雌雉節

時哉釋文出時哉云一本作時哉時哉案皇邢兩疏文義俱不當重時哉又攷後漢書班固傳注太平御覽九百十七並引此文時哉二字亦不重

子路供之

皇本作供注同釋文出共之云本又作供案共供古字通

三嗅而作

玉篇嗅下引作三嗅而作案說文止有嗅字嗅乃嗅之俗字

而人不得其時

皇本無其字

非本意

皇本非下有其字案筆解引此注作周曰

故三嗅而作作起也

皇本無二作字

見雌雉飲啄得所故歎曰

閩本北監本毛本作見雌雉飲啄得其所歎曰

論語注疏按勘記卷五

臣孫同元按字

論語注疏按勘記卷六

臣阮元恭撰

先進第十一

此篇論弟子賢人之行

閩本弟誤第十行本此上誤加一

先進於禮樂章

子曰先進後進謂仕先後輩也

皇本高麗本無孔曰字又皇本仕作士案釋文出先

進云包云謂仕也是陸又以此注為包注

將移風易俗

皇本此段注作苞氏曰

從我於陳蔡章

皆不及門也

皇本也上有者字

言弟子從我而厄於陳蔡者

皇本從上有之字下其所下有也字

此章孔子憫弟子之失所十行本。憫作閱。按閱憫正俗字。

德行章

德行釋文云。鄭云以合前章。皇別為一章。案攷文載古本德行。行上有子曰二字。毛奇齡論語稽求篇曰。舊有子曰字。故史記冉伯牛傳云。孔子稱之為德行。四書攷異云。案攷文每云古本皆以證其與皇本同也。今檢皇侃義疏本。惟別分此為章。子曰字。未嘗有其疏。則云此章初無子曰者。是記者所書。竝從孔子印可而錄。在論中也。二字之無。尤確鑿。物觀以彼國別藏寫本。謬稱古本。未可援之實史記矣。

若用其言語辯說十行本。辯作辨。

回也非助我者也章

助益也皇本。益上有猶字。

無發起增益於己皇本。無下有可字。己下有也字。

凡師資問答閩本北監本毛本。師誤解。

孝哉閔子騫章

陳曰皇本作陳群曰。後放此。

言子騫上事父母皇本。騫下有為人二字。下之言下。有也字。

南容三復白圭章

三反覆之十行本。三誤二。

故三覆讀此也北監本。無也字。浦鏗云。反誤三。

季康子問弟子章

季康子問弟子釋文。出康子云。一本作季康子。鄭本同。

未聞好學者皇本高麗本。今也則亡。下有此五字。各本並無。

以哀公遷怒貳過 十行本貳誤二

顏淵死章

以為之椁 皇本。椁作槨。下同。高麗本。無此四字。案釋文。出無椁云。古廓反。不為之椁。作音似。陸氏所據本。亦無此四字

路淵父也 皇本。作顏路。顏淵之父也

欲請孔子之車 皇本。欲。上有故字

鯉也死 高麗本。無也字

吾不徒行以為之椁 皇本高麗本。不下有可字

不可徒行也 皇本高麗本。不。上有吾以二字。無也字

言從大夫之後 皇本。作故言吾從大夫之後

謙辭也 皇本。作是謙之辭也

魯終不能用孔子亦不求仕 今史記孔子世家重孔子二字

則顏回卒時 毛本。回。作淵

顏淵死子曰噫章

痛傷之聲 皇本。聲。下有也字。下之甚下同。若喪己也。無也字

顏淵死子哭之慟章

曰有慟乎 皇本。曰。上有子字

不自知之悲哀過 皇本。過。下有也字

非夫人之為慟而誰為 皇本高麗本。為。下有慟字

亦當於理 十行本。理。誤理



非失也 各本失。並誤不

顏淵死門人欲厚葬之章

禮貧富有宜 皇本有。上有各字

顏淵貧 皇本貧。上有家字

故不聽 皇本聽下有也字。下厚葬下有之字

我不得割止 皇本割作制。止下有也字

故云耳 皇本作故云爾也

夫二三子也者 北監本。三。誤五

季路問事鬼神章

曰敢問死

朱子集注本無曰字。案皇疏云曰敢問死者。此又問當來之事也。邢疏云曰敢問死者。子路又曰敢

問人之若死。其事何如。是皇邢本。並有曰字。又匡謬正俗引此文。亦有曰字。今集注本無曰字。誤脫

子路問承事神 浦鏗云。神上脫鬼字

閔子侍側章

閔子侍側 皇本子。下有騫字

冉有子貢 唐石經有作子

樂各盡其性 皇本性。下有也字。下之貌。下。壽終。下同

若由也不得其死然

皇本若。上有曰字。朱子集注載。洪氏曰。漢書引此句。上有曰字。或云上文樂字。

即曰字之誤。案漢書敘傳。幽通賦云。固行行其必凶。顏師注曰。論語稱閔子云云。子樂曰。若由也不得其死然。蓋集注漢書。下脫一注字耳。又孫奕示兒編曰。子樂必當作子曰。聲之誤也。始以聲相近。而轉曰為悅。繼又以義相近。而轉悅為樂。

論語注疏

卷六

四

知由也不得其死則何樂之有。今攷文選幽通賦及座右銘兩注。並引子路行行如也。子曰若由也不得其死。然與孫說正合。

魯人爲長府章

仍舊貫 釋文。出仍舊云。魯讀仍爲仁。今從古案。九經古義云。揚雄將作大匠箴曰。或作長府而閔子不仁。用魯論也。

因舊事則可也 皇本。無也字。下改作下。有也字。

言必有中者 皇本。無者字。

善其不欲勞民改作 皇本。改。上有更字。作下有也字。

玉府掌王之金玉玩好 閩本。上玉誤王。下王誤玉。

由之瑟章

由之瑟 皇本高麗本。瑟。上有鼓字。

子路鼓瑟 皇本。子。上有言字。

不合雅頌 皇本。頌。下有也字。下解之下。同。

未入於室耳 皇本。無於字。

子貢問師與商也孰賢章

子貢問師與商也孰賢 十行本。貢。誤路。皇本。問。上有曰字。賢。下有乎字。高麗本。亦有乎字。

言俱不得中 皇本。中。下有也字。

過猶不及 皇本高麗本。及。下有也字。

誰爲賢才 閩本北監本。毛木。才。誤不。

季氏富於周公章

論語注疏卷之六

皇本。士。下有也字。下賦稅下。同

而求也為之聚斂而附益之。皇本之作也

小子鳴鼓而攻之可也。皇本。無而字。案論衡順鼓篇。引亦無而字

聲其罪以責之。皇本之作也

柴也愚章

弟子高柴。皇本。柴下有也字。下之愚下。文過下。同

曾子性遲鈍。皇本。無性字。鈍下有也字。案釋文明出鈍也。是陸氏所據本。亦有也字

師也辟。皇本高麗本。辟作僻。注同

由也嘒。書無逸正義引作諺。案說文有諺無嘒嘒。乃諺之俗字

失於畔嘒。皇本。畔作吸。嘒下有也字。釋文出吸字云。本今作畔。案廣韻二十九換吸吸嘒失容。據此則字

不當作畔

子曰回也其庶乎。朱子集注本以下別為一章。各本並連上為一章。案釋文云。或分為別章。今所不用。

億則屢中。皇本高麗本。億作憶。注同。按。億憶皆意之俗字

而樂在其中。皇本。中。下有矣字

子貢雖無數子之病。皇本。無雖字。之字

言子路性行剛強。閩本北監本毛本。強作彊

王弼云。十行本。王誤玉

每能虛中唯回者。浦鏗云。中。下脫者字

子張問善人之道章。各本。並連下論篤是與。為一章。朱子集注本。分為兩章

不踐迹。釋文。出踐迹云。本亦作跡。案跡乃迹之俗字。五經文字云。迹。經典或作跡

論語注疏卷之六

卷之六

五

亦少能創業 皇本。少。上有多字

然亦不入於聖人之奧室 皇本。入。上有能字。室。下有也字。案邢疏。亦有能字也字。

謂身無鄙行 皇本。行。下有也字。又筆解。此節注。作孔曰

以遠小人 皇本。人。下有者也二字

皆可以為善人 皇本。人。下有也字

故亦不能入於聖人之奧室也 闕本北監本毛本。脫於字

子路問聞斯行諸章

賑窮救乏之事 皇本。事。下有也字。下答異下。下章注。在後下。故死下。並同

如之何其聞斯行之 皇本高麗本。之。下有也字。案邢疏本有也字。疑今本脫

不得自專 皇本作不可得自專也

子畏於匡章

吾以女為致死與匡人鬪也 闕本北監本毛本。致。作以

季子然問仲由冉求章

子然季氏子弟 皇本作季子然。季氏之子弟也。下問之下而已下。大逆下。並有也字

安足大乎 皇本作安足為大臣乎

言二子雖從其主 十行本。主。誤王。皇本。無言字

子路使子羔為費宰章

所以為賊害 皇本作所以賊害人也

於是而習之 皇本。無之字

遂已非而不知窮 皇本。窮。下有者也二字

言費邑有民人焉而治之十行本民人作人民

祇為口才捷給北監本祇作祇○按作祇亦非當作祇後同

子路曾皙章

曾參父名點皇本作曾皙曾參父也名點也

毋吾以也

十行本毋作母皇本毋作無釋文出母字云音無又出吾以去鄭本作已

故難對皇本對下有也字下知已下人對下義方下哂笑下而已下言能下起對下之具下之聲下之時下

則何以為治皇本治下有乎字

子路率爾而對

皇本率作率注同案率率古字通莊子人閔世注率然拊之釋文率本或作率

因之以饑饉

釋文出饑字云鄭本作飢同○按飢乃飢餓字當作饑

攝迫也迫於大國之閔皇本作攝攝迫乎大國之閔也

可使足民皇本高麗本民下有也字

謙也皇本作謙之辭也

殷規曰同閩本北監本毛本殷作眾毛本規誤類皇本規作見邢疏作殷釋文出殷規云本或作見據此則字當作殷

諸侯日視朝之服皇本作諸侯日視朝服也

謂相君之禮皇本作謂相君禮者

故音希皇本作故其音希也

鏗爾玉篇手部身下引論語身爾捨瑟而作云與鏗同

異乎三子者之撰釋文出之撰云鄭作撰讀日詮詮之言善也

孔曰 毛本孔上脫注字

鏗者 皇本。作鏗爾者

於義無傷 皇本。傷下有之字

亦各言其志也 釋文。出亦各言其志云。一本作亦各言其志也。

莫春者 皇本。暮作暮。釋文出莫春云。音暮。本亦作暮。

冠者五、六人 皇本。冠上有得字

詠而歸 釋文出而歸云。如字。鄭本作饋。饋。酒食也。魯讀饋為歸。今從古。案論衡明雩篇。作詠而饋。與古論合。

包曰 筆解。作孔曰

春服既成 皇本。成下有者字

浴乎沂水之上 皇本。乎作於

而歸夫子之門 十行本。太誤天。皇本。無而字。門下有也字

善點獨知時 皇本。作善點之獨知時也

夫子何哂由也 皇本。太作吾

曰為國以禮 皇本。口上有子字

禮貴讓 皇本。禮下有道字

宗廟會同非諸侯而何 皇本高麗本。作宗廟之事如會同。非諸侯如之何。釋文出宗廟會同云。本

或作宗廟之事如會同。又出非諸侯而何云。一本作非諸侯如之何。

赤也為之小孰能為之大 皇本高麗本。小。下。大。下。竝有相字

誰能為大相 皇本。作孰能為大相者也

先以此言誘掖之也 十行本。掖誤掖

千乘之國

浦鏜云。千。上脫曰字。

穀不熟為饑

十行本。饑。作飢。下饑饉同。案十行本。作飢。與釋文所載鄭本合。

言欲得方六七十如五十里小國

浦鏜云。五。下脫六字。

此赤也之志也

浦鏜云。上也字。當衍文。

願學為焉

閩本北監本毛本。脫為字。

注云孔曰晷

十行本。孔。下誤增子字。

曾蒧音黠

各本。蒧。並誤蒧。

周禮春官大宗伯職文

閩本。大。誤太。

王始不巡守

浦鏜云。如。誤始。

合諸侯以命政焉

毛本。以。作而。

玉藻曰

十行本。閩本北監本。王。誤王。

顏淵第十二

顏淵問仁章

克已復禮為仁

皇本。克。作尅。下及注同。

約身

皇本。身。下有也字。下問之下。之目下。同。

不在人也

皇本。也。上有者字。

立視五雋

十行本。閩本。雋。誤雋。

言情為嗜欲所逼

十行本。嗜。作者。○按。古多假者為嗜。

仲弓問仁章

莫尚乎敬

皇本。敬。下有也字。下諸侯大夫下。同。

失在倨傲北監本毛本在作於閩本誤其

司馬牛問仁章

仁者其言也訥釋文出也訥云字或作仞○按說文引作其言也訥

弟子司馬犁皇本犁下有也字釋文出馬犁云史記作初並云字牛

斯謂之仁已乎皇本高麗本作斯可謂之仁已矣乎朱子集注本作矣乎

孔曰行仁難各本孔並誤子

言仁亦不得不難皇本難下有矣字

祇此其言也訥十行本閩本祇誤祗毛本誤祗

司馬牛問君子章

斯謂之君子已乎皇本高麗本作可謂君子已乎朱子集注本作矣乎

自省無罪惡十行本自誤目皇本作內

無可憂懼皇本作無所可憂懼也

不恐懼北監本恐誤思

司馬牛憂曰章

死亡無日皇本亡作喪

我為無兄弟皇本我下有獨字弟下有也字案邢疏有獨字

皆兄弟也皇本高麗本皆下有為字案鹽鐵論和親章及文選蘇子卿古詩注並引此文皆有為字

君子疏惡而友賢皇本疏作疎案疎乃疏之俗字

皆可以禮親皇本親下有也字

君子敬而無失北監本敬誤故



子張問明章

漸以成之 皇本。作以漸成人之禍也

非其內實 皇本。實下有也字。下能及下。有之也二字

構成其過惡 毛本。構作構。案說文無構字。古構成字亦作構。今以構為構成字。誤

子貢問政章

民信之矣 皇本。民上有合字。高麗本。令作使

子貢曰必不得已而去於斯二者何先 皇本。無子貢二字

民無信不立 皇本。無作不

古今常道 皇本。道下有也字。下失信下。同

棘子成曰章

棘子成曰 皇本高麗本。成作城。注同。○按漢書古今人表。三國志秦宓傳。作革子成

何以文為 高麗本作為文

衛大夫 皇本。夫下有也字

駟馬追之不及 皇本。及下有舌也二字

虎豹之鞞猶犬羊之鞞 皇本高麗本。鞞作鞞。注同。又下之鞞下有也字。案說文。鞞去毛皮也。即引此文。今作鞞者。省文耳

虎豹與犬羊別 皇本。別下有者字。案邢疏本。有者字。釋文亦明出別者字。今注誤脫

哀公問於有若章

年饑 皇本。饑作飢。釋文出饑字云。鄭本作飢。說見前

盍何不也 皇本。盍下有者字

周法什一而稅皇本。什作十。下什二同

為天下之通法皇本。作為天下通法也

孔曰二謂什二而稅皇本。稅下有也字。案周禮匠人疏引作鄭曰

什一者天下之中正也北監本。什。誤付

蠻貉無百官制度之費公羊。宣十五年傳注。百官。上有社稷宗廟四字

趙岐註云北監本毛本。註。誤詩

雖異名義多少同十行本。義作二。案今孟子注。義作而

故云皆什一也今孟子注。云。作曰

又曰方里為井今孟子。為。作而

子章問崇德辨惑章

子張問崇德辨惑釋文。出辨惑云。本亦作或

孔曰皇本。作苞氏曰

崇德也皇本。無也字

則徙意而從之皇本。作則徙意從之也

愛之欲其生惡之欲其死皇本高麗本。生。下。死。下。並有也字

亦祇以異十行本。闕本。北監本。毛本。祇。誤祇。唐石經。作祇。按五經文字。廣韻。亦作祇

適足以為異耳皇本。足以。作以足。下非之下。有也字

齊景公問政於孔子章

當此之時皇本。無之字

故以對皇本。作故以此對也

吾得而食諸皇本高麗本。吾下有豈字。釋文出吾焉得而食諸云。本亦作焉得而食諸。焉於虔反。本今作吾得而食諸。案史記仲尼世家及漢書武五子傳。竝作豈。與皇本合。太平御覽二十二引。吾惡得而食諸。豈焉惡。三字。義皆相近。疑今本。吾下有脫字。

陳氏果滅齊皇本。齊下有也字。

夷生泯孟莊今史記田完世家。泯作潛。案泯乃潛之省文。

桓子生武子啟今史記。啟作開。避漢景帝諱也。

及僖子乞今史記。及作與。僖作釐。案僖釐古字通。

乞卒子當代之今史記。當作常。之作立。

白生大公和十行本。閩本。和誤利。閩本。太作太。

敬仲之如齊十行本。閩本。如誤知。

以陳子為田氏北監本。子作字。浦鏗云。氏誤字。

片言章

片言可以折獄者釋文。出以折云。魯讀折為制。今從古。案。古多假折為制。墨子尚同中引書。呂刑制以刑作折。則刑。

唯子路可皇本。可下有也字。下。豫諾下。同。

子路無宿諾各本。竝連上為一章。釋文云。或分此為別章。

凡聽訟十行本。訟誤謔。

周禮秋官大司寇職云十行本。閩本。職誤聽。北監本。官。

造至也閩本。誤作至。造也。

今券書也各本。券竝誤券。下同。案說文。券契也。从刀。尖聲。券勞也。从力。卷省聲。大徐云。今俗作倦。

言請法疏抄甚言

獄者各齋券書周禮大司寇註獄上有使字

聽訟吾猶人也章

與人等皇本作言與人等也。下在前。下有也字。

子張問政章

居之無倦釋文出無倦云。亦作卷。案九經古義云。棟案。卷。當作券。漢涼州刺史魏君碑云。施舍不券。鄭氏攷工記註云。券。今倦字也。

無得解倦皇本解作懈。釋文亦作懈。是正字。

必以忠信皇本信下有也字。

必以忠信也北監本毛本以誤有。

博學於文章

博學於文皇本博上有君子二字。釋文出博學於文云。一本作君子博學於文。案說詳雍也篇。

鄭曰高麗本無此二字。

不違道皇本道下有也字。

季康子問政於孔子章

子帥以正皇本高麗本以作而。

康子魯上卿皇本康上有季字。

季康子患盜章

苟子之不欲皇本高麗本無之字。

欲多情慾皇本慾作欲。下有也字。案釋文出情慾云。本今作欲。說見前。

不從其令皇本令上有所字。下所好下。有也字。

孔子至所好 十行本。誤重孔字

不從其令 十行本。令。誤今

其所令 北監本。令。誤今

### 季康子問政於孔子章

欲多殺以止姦

皇本。姦。作奸。下有也字。案五經文字云。姦。俗作奸。訛。

君子之德風小人之德草

皇本高麗本。風。下。草。下。有也字。案漢書董仲舒傳。及說苑政理篇。引

此文亦竝有也字。與皇本合

草上之風必偃

皇本高麗本。上。作尚。釋文出草尚云。本或作

亦欲令康子先自正

皇本。正。下有也字。下於上下。同

就成也

十行本。成。誤成

### 子張問士章

皆能有名譽

皇本。譽。下有也字。下可踰下。黨多下。同

夫達也者

皇本高麗本。無也字。下夫聞也者同

觀顏色

皇本。觀。作見

其志慮常欲以下人

皇本。志。作念。人。下有也字

此言佞人假仁者之色

皇本。作此言佞人也。佞人假仁者之色

而不自疑

皇本。疑。下有者也二字

言佞人黨多

十行本。佞。誤佞。下同

則所在必達也

十行本。閩本。達。誤遠

樊遲從遊於舞雩之下章

故下可遊焉皇本作故其下可遊也。下有為善下。得報下。並有也字。

無攻人之惡皇本高麗本無作毋。

封土為壇十行本。土誤上。

樊遲問仁章

舉直錯諸枉釋文出錯諸云。或作措。同。說見前。

則皆化為直皇本直下有也字。

鄉也皇本高麗本。鄉作嚮。釋文出鄉也云。又作羸。同。按。鄉。俗字。羸。正字。鄉。假借字。

富哉言乎皇本高麗本。言上有是字。

樊遲雖聞舉直錯枉之語閩本北監本。聞誤問。

是其能使邪枉者十行本。是誤長。

子貢問友章

忠告而善道之皇本高麗本。作忠告而以善導之。釋文出善道云。導也。案。包注。本作以善道之。文義較明。

不可則止皇本高麗本。作否則止。

毋自辱焉皇本高麗本。毋作無。釋文出毋自。云。音無。

以是非告之皇本。之。下有也字。下見辱下。同。

以善道導之皇本。無道字。

毋得強告導之閩本北監本。毛本。強。作疆。

君子以文會友章

友以文德合皇本。合。下有也字。下之仁下。同。

友相切磋之道

皇本。友下有有字。釋文出有相切磋云。本今作友。

此章以論友

浦鏜云。友下當脫也字。以當亦字誤。

論語注疏校勘記卷六

臣孫同元校字

